

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Disputatio Secunda De Religione Eclectica Seu Prudentum ad Locum 1. Thessal. V.21

**Hardtschmidt, Johann Nicolaus
Winter, Johannes Christoph**

Argentorati, 1705

VD18 11641991

Porisma III

urn:nbn:de:bsz:31-105849

Ἐστυάτε τὰς γραφάς, *Scrutamini Scripturas, quoniam vos existimatis in ipsis habere vitam eternam, & illa sunt, quae testantur de me: quin & exemplum eorum qui hoc medio certitudinem fidei sibi compararunt, eam quam diximus necessitatem hujus scrutiniis satis persuadet, quales erant Thessalonicenses ἀνακρίνοντες τὰς γραφάς, et ἔχοντες ταῦτα ἕως, dijudicantes Scripturas, num hac ita se habeant? Act. 17, 11.*

PORISMA III.

Porisma
III.

Hoc autem Scrutinium & Examen, non tantum ad ea restringendum quae fidem spectant, sed & ad ea, quae ad mores pertinent, & proponuntur tanquam cultus DEI, aut opera DEO placentia, aut aliquo modo ad salutem necessaria; neque res tantum, sed & personas ipsas, quo ad spiritualia, probat. §. 10. 11. 12. Apostolus πάντα omnia dixit, unde nihil excipit; de fide quidem nemo facile dubitaverit, cum ex hac salus nostra pendeat Marc. 16, 16. de qua & paulo ante dictum est; sed quod mores etiam & praxin concernit, illam huic judicio subijcimus; sed non quovis modo aut respectu, quasi cuivis licitum sit in leges à superiore latas, earumque causas inquirere, hoc enim Christianorum, ut tales sunt, non est; sed eorum quae proponuntur ut cultus DEI, ad quem obligantur omnes homines DEO praestandum. Porro etiam examen subire debent opera quae tanquam DEO placentia commendantur. Cum enim hic mandatum & promissum adesse debeat, certe ubi illud mandatum sit, & ad quos pertineat inquirendum est, ne electitius cultus sit, & frustraneus & inanis. Matth. 15, 9. Coloss. 2, 22. Sed neque personas excipimus; nam & Spiritus probandi sunt. 1. Joh. 4. & Spiritus Prophetarum Prophetis subjecti sunt. 1. Cor. 14, 32. quin & ipsi Apostoli hoc examen subterfugere noluerunt. 1. Cor. 14, 37. nam spiritualis homo omnia dijudicat ἀνακρίσει. 1. Cor. 2, 15, conf. 2. Cor. 4, 2. Cum ergo & Apostoli ne ab hoc quidem examine voluerint esse exempti, nescio sane, qua ratione ullus homo Apostolis certe non comparandus, peculiari privilegio gaudere possit, ut omnes & omnia judicare velit, judicari autem à nullo.

PORIS-